

В 12


26292

И В А Н Р А В И Л И Н

Тарас
ДЕД

1 9 5 9

КОМИ КНИЖНОЙ ИЗДАТЕЛЬСТВО




Иван Бабиллин

Тарас ДЕД

Поэма

26392



КОМИ КНИЖНОЙ ИЗДАТЕЛЬСТВО

Сыктывкар 1959

БИБЛИОТЕКА
Респ. Краев. Музея
Коми АССР
ГОРОД СЫКТЫВКАР

Иван Михайлович Вавилин

ДЕД ТАРАС

ПОЭМА

на коми языке

Оформление С. Холопова

* * *

Редактор С. Морозов Техн. редактор И. Цивунин

Слано в набор 26/VIII-59 г. Подп. к печати 22/X-59 г.

Формат $70 \times 92 \frac{1}{32} = 1,0$ бум. лист. 2,34 печ. лист
(Уч.-изд. л. 2,6). Тираж 2000. Заказ № 2855.

Ц01827. Цена 1 р. 90 к.

Коми книжное издательство. Дом печати.

г. Сыктывкар, Республиканская типография
Полиграфиздата Министерства культуры Коми АССР

Висьтыс тайӧ куйліс дыр нин,
Пондылӧм нин бусӧн тырны.
Эг кӧ видлы, эг кӧ кыпӧд,
Ковмис янсӧдчыны ськӧд.

Висьтыс эськӧ мед, а мортсӧ
Кызкӧ жаль тай кольны ортсӧ.
Сылӧн олӧм — быдса тема,
Сылӧн олӧмыс — поэма.

Кызь во помся мортыс тайӧ
Нималӧ бур урожайӧн.
Ачыс арлыда нин, дзор нин,
Сӧмын та йылысь — эн сёрнит!

Пӧрысьтӧм кӧ кылас — пузяс:
«Ті нӧ олад али узяд?!
Татшӧм кывъясӧн эн суйсьӧй.
Паччӧрад ме аддза туйсӧ».

Кутан юасьны удж йылысь —
Ловсӧ кыпӧдан тэ сылысь.
Вежсяс сэки дедлӧн чужӧм,
Пыр и аддзан, мортыс кутшӧм.

«Көть и личалыштис сөнөй,
Вынтор эмышт на и өнi,
Сөмын мед ог торъяв муысь!»—
Со мый сийö меным шуис.

Эм кө татшөм морт да тема,
Мед оз буссы-й и поэма.
Менам дедөкөд тшөтш сийö
Волас мед лыддысысь киö.

1

Куд кодь лөсьыд керка
Даньдор сиктын — шөрас.
Еджыд гача кызьяс
Керка дінын — йөрас.

Өшинь улас порсыяс,
Сэн жö дас вит курөг,
Кудриа съод ыжкөд
Дзоля кычи дурö.

Кильчö помын кылö
Ропочитö дедö.
Дыр узыöмысь сийö
«Пинялö» соседös.

— Мед көть өтчыл водзджык
Палялан тэ, Демид...
Йөз тшөт весьтö овны
Кыйөдчан пыр, нэмыд!

Асьным ещö тэкөд
Өти мамлөн пиян!
Мыйла нö гөг сюрös
Торъялö пыр миян?

Петіс пöрысь Варук:
— Йöзсö пыр эн ышöд.
Виччысь, дыр-ö асьтö,
Выживöс, оз дышöд.

— Кутшöм тэныд, гöтыр,
Лоис меöдз делö?
Тарас дедöс некор
Лёк вылö эн велöд!

Верстьö кадöй «кывтіс»
Сё да кызь вит пыжын!
Öні ог нин йöймы,
Сэк кö эг ло выжив.

Пöшти кызь вит арöдз
Олі позтöм кökөн.
Сэтшöм олөм вылö
Кыз нö оз пет вököй?

Ас семьяын батылөн
Вöлі «курас-карас»,
Важöнö-ö менам
Нимöй лои Тарас?

2

Дедлөн талунъя видчöм
Кольöм кадыскöд йитчöм.
Квайтöд дасöдзыд локны
Туйыс эз öд вöv кокныд.

Куим арöссиянь сійö
Сюрис чуткасьысь киö,
Дядьводз олөмö сюрис,
Коді ичötсянь пурис.

Дядьлөн чужис выль «кодзув»—
Мөд пи пуксис мам водзө:
Лои ещө на пемыд,
Светсө сайөдіс Демид.

Воис Тарас дас кыкөдз —
Шудлун эз төдмась ськөд.
Олөм быд лун дас пөрийө
Сійөс чиршөдліс ньөрийөн.

Батытөм пи вөсна мамлөн
Пыктөм син дор эз ямлы.
Кысь нө вөйпан нин сійөс,
Йөзө сетіс кө пиөс.

Кызь кык Тараслы вөлі,
Кодыр бергөдчис төлыс,
Революция гыин
Кыліс шудлөн көк шыыс.

Сөмын шудлунсө босьтөм
Эз на удайтчы косьтөг:
Көть эз бурд на важ дойыс,
Ковмис мунны мөд бойө.

Мөд ног быдмыліс вокыс,
Эз и көтасьлы кокыс.
Некор дөрөмас сьлөн
Солөн эз кормыв ньылөм.

Өні быдөн тан шуө:
Мый пө дзик өти луөн
Налысь мыгөр и чужөм
Мамныс кисьтны, зон, кужөм!

Эм на, другъяс, примета,
Кодөс олөмыс сетіс:

Йӱзлы дзолясянь ытшкыс
Демид вок дорсьыс мышкыр.

Тарас, олӱмсӱ вуджиг,
Ачыс посйысьны кужліс.
Дась пос эз сюрлы ньӱтчид —
Сійӱ-йӱ ӱні на тӱдчӱ.

Кӱть и чужӱмыс векни,
Уна тӱрӱма межйыс.
Да и эзысьсӱ сійӱ
Унджык дзебӱм тош пиӱ.

Но, а Демидыс? Со тай.
Наянлунысла льгота
Пыр на олӱмыс сылы
Сетліс миян му вылын.

Оз ков мӱд морт сы дорӱ,
Ӳтнас — сетан кӱ вороп —
(Кызди йӱз костын шусьӱ)
Вермас бергӱдны мусӱ.

Сӱмын муясьсыд полӱ,
Шоча удж вылӱ волӱ.
Сылӱн адасыс век нин
Йӱзысь-мортысь медвекни.

3

Катшашыдӱсьясӱн асыв
Шур-шаркерис ӱшиньясӱ.
Чеччис Тарас:— Коді сэн?..
Барук, мый ме шулі тэн?

Мися, бара на тай лӱкмас,—
Пӱчлы ненарошнӱ кокнас

Шебрас пырыс тувкис дед,—
Вот и гөрныд-көдзныд пет!

— Мөскыд, коскөс кызди дойдис!

Мыйкө йөйталө сэн войбыд...

— Коскыд, Варук, сийө мый,

Пашляк эз на сийөс лый!

Тэ вот видзөд, өшинь улысь

Узигкості пышйөм тулысь!

Демид кодь жө — кыв оз төр,

Воліс здук кежлө — и бөр.

Демид быттьө сәні-й вөлөм,

Кыськө воис нылыд төлөн:

— Но и поводдя жө, зон!

Оз позь,— шуө,— лэдзны пон.

— Тэ кө петін, сідзкө, позьө!

Волю, висьтась, прөйдит водзө.—

Воклы улөс мыччис вок,—

Збыль мөй поводдяыс лөк?

Мыйкө могөн, көнкө, локтін?

Он зэв видлавлывлы воктө.

Демид гидж-гиджкерис юр:

— Поводдяыдкөд он дур!

Сэсся полігтырйи чөвтіс:

— Тарас, сетлы меным вөвтө...

— Гөра-көдза дырйи — вөв?

— Кутшөм көдза? Гөгөр — төв...

— Тэныд мый! Тэд пөсь ни көдзыд.

Көть колхозным оз и көдзлы.

Ставыс веськодь — шыч ни рач!

Скөрмөдін тай, көча-мач!

Демидлөн эз имит лөвтөм:
Локтис подөн, мунис вөвтөг.
Сөмын сылөн вуджөр дыр
Тарас син водзысь эз быр.

Йөзыд быдкодыс жө эмөсь!
Нисьө войтыр, нисьө пемөс.
Асланыс кө тыра сюв,
Сэссия мукөдыс көть кув!

Кызди му вылын сідз овсьө?
Он жө кыпөд налысь ловсө!
Муыс бергалө көть оз —
Рөмидзтөны мөсьяс моз.

Асланыс кө мыйкө синны,
Войся сюзьлөн кодь жө синныс.
Өтувйөн кө көдзны нянь —
Синьяс пыддиныс — ракпань.

Висьталан кө татшөмьяслы:
«Матын коммунизмлөн асыв!»
Налөн важөн дась өтвет:
«Мый нө? Матын кө, и мед!»

Татшөм «висьөмыслы» паныд
Эм лекарствоыс и тани:
Миян ставсө венысь удж
Сылысь орийөдлас сись вуж.

4

Идрасьөма гөгөр,
Ваймөма нин пач:
Кыскис, кылө, Варук
Пачысь пуан рач.

Пөчлөн дзөран кийс —
Вугыр помын ком:
Юкалө да висьö
Сылөн быд лы пом.

Варук кийсь мыні,
Шыд доз уси — швач!
Дедлөн сөмын артмис:
— Эк тэ, көча-мач!

Нормис Варук, шуис:
— Ачыл шыдсö пу!
Либö аслад пины
Корсь мун гөтырпу.

— Кытысь нө ме корся.
Мый тэ лоин, пөч?
Ог өд гөтырпусö
Қолодаысь вөч!

Вом дорас на сылөн
Тэнад морөс йөв.
Төвъяс на мед ещö
Гоз-мөд, коймөд төв.

5

Қыті — куш, кыті — лымъя:
Тулыс джөмдіс туйджынъяс
Вой төв лимзалө-бөрдө,
Оз сет туй сылы вөр ді.

Төвкөд вөр діас тани
Қодкө тыш талун паніс.
Ыджыд көстера биөн
Вөтлө көдзыдсö сійө.

Пөим вöчны Кос ягö
Мунлис асывнас Якö.
Тарас ыстöм «приказöн»:
«Мун пö лёк төвсö пазöд!»

Со тай воис и ачыс:
— Кыдзи уджалö «пачыд»?
Бригадирыдлөн, мися,
Тшöтш тай сьölöмыс висьö!

Яков шутитö, кылö:
— Медым лымйыс бөр сылö,
Пыр жö весасяс сёрдысь,
Бара лöдсали гортыр!

Сёрни кык друглөн варов:
— Яков, пестылам яра!
Мед нин водзö оз лёкмы,
Ковмис аслым тшöтш локны.

Кинас шеныштіс Якö:
— Мун да тэ сёрнит такöд!
Но и поводдя, зонмö,
Пессьö чепйывса пон моз.

Он тай öлöдныд куж тэ.
Кымын «байдöг нин куштіс!»
Да и миянлысь уджтö
Муяс вывсьыд тшöтш куштö.

— Яков, висьтав тэ, ноко,
Кöдзам квайт лунья срокөн?
Якö чöвтіс вом улас:
— Ог төд, мый шуас тулыс?

— Тулыс шуас ли оз ли —
Ичöt делö колхозлы...

Көдзан ёна кө сёрөн —
Тэчан турунысь сёрём.

Тешкодь сёрнийд мисьтём..
Чайтан, мый коммунистос
Тулыс эновтліс коркө?
Ог на төд татшөмторсө!

Нинём виччысьны дасьсө,
Ми жө вермам и асьным
Вөчны му вылын тулыс —
Тадз өд, буракө, шулім?

6

Енэж вывсянь шонді
Ёнджыка нин сотө.
Эжва юлөн веркөс
Шлывгө паськыд отөн.

Майтөгасьтөг быгзис —
Мыссьө ю дор öзын.
Джуджыд ыблөн нөрыс
Тырис варов йөзөн.

Бытгьө вөрзис керөс,
Йөктіс зумыд кокөн —
Сійөн, дерт, өд Тарас
Локтіс гөрд флажокөн!

Весиг тшөтш и трактор
Ратшкакылан горөн,
Вашмылясигтырйи
Матыстчис йөз дорө.

— Молодеч тэ, Миша!
Сьөлөмсяньыд зілян,—

Трактористлы шуö
Зыр кодь тоша Пиля.

— Тараслөн öд пиыс!
Нинём шуны — чочкём.
Гугөдiс кык лунөн
Став бригаднöй коськём.

Тарас думнас кайтö:
«Пельястö эн чошкөд!
Первой терпит видём,
Сэссия-й вöлись ошкём».

Пиля дядьлы воча
Нюмыс петiс Мишлөн:
— Мыйысь нö тэ повзин,
Эз на öд ло лишнöй?

Нюмъөвтiс и Тарас:
«Збыль тай пиыс менам!
Колö тадз пыр овны,
Нинём кайны стенö».

Орччөн том ныв мыйкö
Видзöдiс газетысь.
Сэссия Мишлысь нимсö
Чуньнас индiс сэтысь.

— Вайлы, — шуö Миша, —
Видзöдла син йылөн.
Видзöдлiс — и чужём
Жугыльмыштiс сылөн.

«Да! — ышловзис сийö, —
Панйис менö Белых...
Со тай кодлөн сöныс
Вөлём медся зэлыд!»

Оз өшйыв инас, оз тōд мудзōм —
 Дед муніс видзōдлыны рудзōг:
 Кōн вōлі быдмō чим веж сю,
 Мōс чукōр вōчō сэн «сьōд му».

— Эй, кытчō унмовсин тэ, Рогов?
 Мōс вōтлан ньōртō вайлы, ноко,
 Да водзвыв кульлы асьыд гач,
 Тэд вōчла пывсян — кōча-мач!

Пастуклōн некōн эз вōв дукуыс.
 «Сьōд өшкыд эз-ō сійōс люкышт?»
 Но Коля моз и «Великан»
 Дзик некытōн эз тыдав тан.

«А-а! Кык друг тай, сідзкō инō,
 Тась пышйōмаōсь нывъяс дінō?»
 — Йōй мōсьяс, ті, мун йирōй лог,
 Нянь дінōдз тiян ичōт мог!

Эз ылав Тарас — скōтнōй дворысь
 Пастукōс адзис Лиза дорысь:
 — Мый тайō, тані висьтав, друг,
 Кино «Свинарка да пастук»?..

✓ Тэ, Рогов, сейны кōсьян?

— Кōсья...

— Тэ пыдди сейисны нин мōсьяс.
 Эн вōвлы мортыс омōль... Но
 Ме тэныд петкōдла «кино»!

Тараслөн оз узьсыы:
 «Курччасьоны пытшьяс».
 — Кытчө,— шуө,— менам
 Чөскыд унмөй пышйис?

Мися, мый оз узьсыы,
 Садьмылі нин нельысь.
 Гымгаяс тай колө
 Видзөдлыны ёлысь.

Войдөрлун эг ветлы,
 Төнлун — бара зэрис.
 Талун дзик нин ветла,
 Гашкө, шедас чери?

Востымасьө кыа,
 Войбыд оз и куслы.
 Индө лэбан туйсө
 Дзодзөглы да юсьлы.

Мудзтөдз муніс дедө
 Гөрөм муяс пөлөн.
 Вөчөм уджсө аддзиг
 Радліс сылөн сьөлөм.

— Тайө,— шуө Тарас,—
 Абу ыб, а саридз!
 Помөдзыс кө мунны —
 Тырмас пөшти арөдз.

Бөръя ветлөм бөрын
 Лыда лун на коли,
 Оні мулөн помыс
 Вис дорын нин — ёлын.

Ель кыр йылысь Тарас
Аддзё ӧтка пипу.
Пипу улын лӧня
Чискӧ-ваймӧ бипур.

Кок чунь йылас, гусьӧн
Узьысь пиыс динӧ
Матыстчис да ньӧжйӧ
Инмӧдчыштліс кинас:

— Код нӧ узьысь сайӧ
Мунас верӧс сайӧ?..
Чур-чермуніс Миша:
— Батьӧ, тэ мӧй тайӧ?

Сменаӧй час сайын
Помассис со менам.
— Сійӧ мый... Вот мамыд
Тожӧ корӧ смена!

— Мыджся,— шуӧ Миша,—
Мыджся киӧн-кокӧн .
Тайӧ сёрни, батьӧ,
Эновтлам вай бокӧ.

Татшӧм сёрни бокӧ
Эновтны оз позь нин.
Тэкӧд тшӧтшъя нылыс
Эз нин коль колхозын.

Моньӧс ме ог увтырт,
Кӧть и мӧд артельысь...
Мишлӧн жонь кодь чужӧм,
Жонь рӧма и пельыс.

— Чайтан сӧмын чери
Татчӧдз менӧ вайис?

Оз-о позь тшотш мод ног
Гөгөрвоны тайос?

Эн пов, көть и карысь
Сюрас тэд невеста,
Эм на тай колхозын
Уна тыртөм места!

9

Қызди лунысь луно
Турунсялө бор,
Сідз жө часысь часө
Қыптө скөтнөй двор.

Сруб пельөссиянь ылө
Төвзё еджыд чаг.
Черлысь камгөм нерө
Мөдлапөвса яг.

— Аддзад, — кодкө шуис, —
Локтө Тарас дед.

— Тшупсы! А то аслыд
Нырад тшупас тэд!

— Мортыс өд парткомын
Миян секретарь...

— Роговлы пө төрыт
Петкөдлөма жар...

Пыр и мыйкө аддзас
Тарас дедлөн син:

— Ті нө збыльысь тшупад
Скөтлы оланін?

— Тайтөяслы вөчам, —
Том морт лэптис юр,

26392

— Вой тӧлыдлы тани
Дзесбяніныс бур!

— Э-э!— содтіс дедӧ,—
Другъяс, тадз оз туй!
Этійӧ паз костас
Юртӧ кӧть со суй...

Стеныд колӧ веськыд,
Қыдзи зэвтӧм шӧрт.
Ичӧт доныс срублы —
Ваӧс кӧ оз йӧрт.

— Мый тэ лоин, дедӧ?
Қарта — абу пыж.
— Пыж не пыж, а пазійӧ
Оз жӧ тӧрлы ыж!

Ноко, вайлӧй, меным,
Эм кӧ лишнӧй чер!
Босьтчис и эз тӧдлы —
Тшупис куим кер.

Оз корсь мортыс перӧ,
Кӧть и секретарь,
«Гижас» аслас черӧн
Любӧй циркуляр!

Мортыс сійӧ тӧдӧ:
«Гижӧма» кӧ чер,
«Гижӧдтӧ» оз ньӧдздӧд
Медся чорыд зэр!

Вашкӧдчӧ веж льӧмкӧд
Эзысь кока пелысь...

Гортас талун шойччө
Трактористка Белых.

Мыйсяма газета
Куйлө пызан вылын?
Янсөдчыны дінсьыс
Некыз оз лэдз нылөс.

Снимок кындзи сэтөн
Бурыс эз вөв нинөм.
Снимок вылын — Миша
Аслас овөн-нимөн.

— Ок, тэ,— шуё Оля,—
Сьөд синкыма зонмөй!
Тэ вөсна өд кадтөг
Номйөссис нин вонйөй.

Гашкө нин, тэ верөс?
Кысь нө меным төдны.
Гашкө нин, тэ важөн
Китө сетін мөдлы?

Татшөм снимок дінад
Колө тшөтш анкета...
Ветлөдлө редактор!
Лөгыд сөмын петас.

Ланьтлы нин тэ, сьөлөм!
Отарө пыр норман...
Ыджыд-ө көть, висьтав,
Радейтчөмлөн норма?..

Нем виччысьтөг өдзөс
Дзуртыштигтыр вөссис:
Оля ордө юөр
Пыртис письмоносец.

Юөрсө, кыз йөнмөс,
Босьтис полан киён,
Сэссия визьысь визьө
Каттысис пыр сійө:

— Видза олан, Белых!
Ыджыд-ыджыд чолөм!
Кутны тэкөд йитөд
Тшөктис меным олөм.

Кывлі, тэ пө уджын
Варыш кодь, ён бордъя.
Гажөй петө төдны,
Кыз тэ менө ордъян.

Мед жө менам тэкөд
Йитөд лоас топыд.
Дзик ме коркө вола
Босьтны тэнсьыд опыт...

Нывъяс пиысь эн на
Некодөс тэ ылөд?
Қорсь вай тшөтш и меным
Өти шаньджык нылөс...

— Атьө тэныд, Миша,
Висьтасин кө зонмөн!
Өні и сьөд вөрын
Меным оз ло номйөсь.

11

Пөрччис еджыд шапка
Мир туй дорса коз.
Быд лап вылө тырыс
Өшліс коляоз.

Коми муөдз тулыс
Шевгөдіс борд-тив.
Расын кылө шорлөн
Варов сыланкыв.

Арся лыслөм бөрын
Кыз да пипу вөр
Чим веж рөма платтьө
Пасьталөны бөр.

Мир туй кузя муно
Миша — тракторист.
Паныдасигкежлө
Юрас тэчө висьт.

Джуджыд слуда улысь,
Ки пыдөсысь моз,
Петкөдчис Миш водзө
Гашдорса колхоз.

Кыпөдөма морөс
Сён сай керөс йыв.
Эжсө сылысь кульө
Трактористка-ныв.

Адзис нин со сійө:
Кодкө вуджис сён.
Видзөдө: сы дінө
Туйсянь кежис зон.

Сувтовкерис, чөвтіс
Чолөмаян кыв:
— Могөн, — шуө, — кежи
Тэ дінөдз, бур ныв.

Висьтав, көні гөрө
Белых — тракторист.

Туйдытөгүд, гашкө,
Мунны ме ог писът?

Нывлы йирмөг лолі,
Йирмөг бөрын — пось.
Гөгөрвоис сійө:
Коді тайө гость.

Думыштис ас думнас:
«Сюсь! Он ройө увт.
Мыйла кө тай эн на
Мукөд дінө сувт?»

— Белыхөс? Дерт, төда.
Рөдпом лоө мем...
Гашкө, ме и ачым
Белыхыс и эм?

— Ышман,— шуө Миша,—
Шмонитан, бур ныв.
Сёрниөс тэ менсьым
Лэптан серамыв.

— Сідзкө, прөста гижлін,
Уна пось, бур кыв?..
Висьтав, мый тэд колө,
Опыт али ныв?

Шөйөвошис Миша:
«Чудитчө мөй мен?»
Видліс юрсьыс кепка —
Кепка век на сэн.

Сэсся көсйис сійө
Шуны. Но эз шу.
Сөмын юрас кутіс:
«Лөсьыд гөтырпу!»

Ныв дінө кольламөй ми зонмөс,
 Мед радейтчөмныс налөн ёнмас.
 Поэма гажтөммис нин, дерт,
 Од сэтысь вошис Тарас дед!

Со «КИМ» колхозлөн выль контора.
 Зэв мыйкө талун сійө гора?
 Зэв пөся сәні мунө вен.
 И Тарас дедным тшөтш жө сән.

Райцентрса морт сән өш кодь букыш,
 Портфельсө ассьыс чуть оз люкышт.
 Да сійө нин көть вөлі бур,
 Мый плешас абу петөм сюр.

А сылөн ныр — кык ствола пушка,
 И кыкнан стволнас өттшөтш чушкө.
 Да сійөн нин көть радлам ми,
 Мый ствольяс пытшкысь оз пет би.

А Тарас дедлы ва көть, би көть,
 Ни сёрниын, ни уджын пикө
 Эз волы некор дай оз во!
 Став йөзыс сійөс кывзө со.

— Ті, другъяс, ставныд төдад асьныд:
 Мөс дорө некор оз лок лясни.
 Но ещө делөыс сэк лёк,
 Кор лясни дорө мөс оз лок.

Сэк лясни дорын оз ло нуртөм,
 Кор видзьяс вылысь ставсө куртам,
 Кор муяс вылын корнеплод
 Лёк йөнлы кок улас оз вод.

Йӱз миян уджалӱны бура,
Но сюрлывлӱ на-й мыльк и гуран.
Со Ӗльӱксан. Кӱть мортыс чож,
А пӱръявлӱ на мӱд туй вож.

И Демид вокӱс кыз кӱть янӱд,
Пыр муӱо вузасыны диванӱн.
Диван нӱль кока, но быд тӱв
Пес вайны менсым корӱ вӱв.

«Юристыяс» нин миян тшӱтш эмӱсь —
Вась Матрена да Ӗртем Семӱ.
Удж вӱчтӱг виччысьӱны дон,
Мый, ыштӱ, сэтшӱм эм закон.

Оз петны уджавны колхозӱ:
«Чуть-чуть пӱ гусясьыштын позьӱ.
«Чуть-чутьсыд» ӱни миян суд
Судитны некодӱс оз кут!»

Эз терпит воӱм морт:— Тӱ асьтӱ
Ни ӱти кывӱӱн тай эн казтыв.
И аслад мыжыс уна эм.
Райцентрӱдз нин со кывсис мем.

Вай висьтав, яйныд кытӱн тӱян?
Эн быдтӱй, вузавлӱд порсьпиян.
Кӱн тӱян вӱли сӱк партком?
А танӱ талун песан вом!

— Ӗшибка вӱли,— Тарас сувтис,—
И мӱд на вермас лоны кувтӱдз.
Вай отсав, индав, критикуйт,
Ӗд сытӱг кутчысьлывлӱ нуйт.

— Тӱ, Тарас, шуан: «Ме пӱ юра!»
А висьтав, тӱнад кӱн культура?

Өд сөмын сиктса пемыд йөз
Тадз терпитоны тэнсьыд грөз.

Тшөтш нартитанныд менсьым пиөс.
Пастукө доддялөмныд сийөс.
Скөт бөрся ветлө, быттьө чөрт,
Көть асьсө пемыд гидө йөрт...

— Тэ ачыл настящөй чөртис!
Тэд сьөлөм пуктылөмны көртысь.
Бур питө кольлин нянь ни пань,—
Райцентрса мортлы крапкис ань.

— Пыр көнкө шляйтчис-ветлис нэмыс!
— Да сийө ачыс миысь пемыд!
— А ме кө вөлі сылөн пи,
Юр вылас эг коль өти си!..

Кыв вылө кыв — пыр ёсьысь ёсьёсь...
А өтнад — мирыдкөд он косясь!
Райцентрса морт, көть новлис чин,
Но өдийө адзис петанин.

13

Пушка ныракөд дед
Паныд сюрлис нин кыкысь.
Важыс вөсна жө, дерт,
Талун пансьылис зыкыс.

Сэкса нь колис кузь кад,
Пөшти кызь өкмыс во нин.
Тарас вөлі нерад —
Ковмис Вась ордө воны.

Рогов Васькаыл сэк
Ёна крепыда оліс.

Йөрмөм войтырыд век
Уна сы ордө воліс.

Пышйис көдзыд, кузь төв,
Көдзны корис нин тулыс.
Нинөм думайттөм вөв
Тарас гозъялөн куліс.

Тарас жугыль и чөв:
— Василь, сетлы мем вөвтө...
Рогов пузис:— Тэд вөв?!
Бара воштін гач көвтө?

Нетшкө менө быд чөрт!
Тэ пө миянысь озыр...
Асьтө доддяв да гөр!
Видлы овны ме мозыс.

Сэсся наяна друг
Вежис сёрнилысь тонсө.
— Босьтлы вөв и выль плуг...
Коркө мынган жө донсө.

Сідзкө, сёрнитчам, вай.
Аддза, мортыс тэ вынтөм.
Босьтан выль урожай —
Ваян джынйыслысь джынсө...

Тарас — морт эз вөв дыш.
Весь кө ошка — мем грекыс.
Уна пыж, пипу пыж
Сійө вөчавліс сэки.

Ог төд эсканныд он,
Верма содтытөг шуны:
Эжва вомөн понтон
Позис на вывті нуны!

Паныд нинѳм он шу,
Тарас уджавны кужліс,
Сѳмын ни ѳти ю
Асшѳр пыжѳн эз вуджлы.

Сылѳн пыжыс — колхоз:
Ѵн и паськыд, и ыджыд.
Гыяс паныд — эз кос —
Муніс ѳтувъя пыжын.

Сѳвліс татчѳ и Вась,
Мед эз вѳй сылѳн овмѳс.
Сѳмын пыж шѳрысь тась
Сылы чеччыны ковмис.

Васьлы не сѳмын пыж,
Татысь эз сюр и берег.
Сэссия-й петкѳдліс мыш,
Пышйис, корсис лѳнь сэрѳг.

«Ме тай,— думайтѳ дед,—
Йиа ва пытшті келі,
Пыжѳ веськавны мед,
Медым босьтны ѳн пелыс!»

14

Демид кильчѳ помын
Парась тьѳтѳ «мойдѳ»
Сы йылысь, кыз йѳзыс
Овлѳмаѳсь войдѳр.

— Ёрѳм мортѳн вѳлі,
Коді чужліс нылѳн.
Верстьѳ каднас чужѳм
Чукрасьлывліс сылѳн.

Сэтшом оландырсо
Тодан на тэ, Демид,
Ныв кө вөлі чужо —
Керка пытшкыл пемыд.

Тайо кольом кадыс
Кажитчө мем вөт кодь.
Они, ныв көть, пи көть —
Кыкнанныс нин өткодь.

Гашдорын со Марпа,
Нач жө ме кодь тьотка,
Некор шог оз төдлы,
Оло, кыдзи пөтка.

Эз көть быдтыв писо,
Вөлөма тай шудыс.
Нылыс сылөн — Ольга,
Мамлөн вердысь-удысь.

Майбыр, они Марпа
Эмбур тэчө кудйө.
Нылыс няньсө босьтө
Сө да унджык пудйөдз.

«Ак! — думыштіс Демид, —
Мем кө татшом моньыс!
Тэрыб моньнад сомын
Узь да ов да шмонит».

Быттё ытшкөм турун,
Демид нюкырмуні:
Вешкырасигтырйи
Кыкнан синсө кунис.

— Висян, коньөр Демид? —
Шуө Парасковья.

— Вися... Ог кӧ вись ӧд,
Лун-лун тадз ог довъяв.

Сэссия чуньнас индiс:
— Этатчӧ со бытшкӧ...
Тарас век на шулӧ:
«Мун пӧ, Демид, ытшкы!»

Пӧрысь нюмсӧ Парась
Тэрмасьӧмӧн дзебис:
— Бордыд кӧ тай чегӧ,
Он нин ылӧдз лэбышт...

15

Кор первой аддзан кызь вит арӧн
Да кылан батылысь сёрни гор,
Друг съӧлӧм ыпнитлас став жарӧн,
Он вермы шуны нинӧмтор.

И сийӧ дiнад, и зэв ылын,
И сийӧс кылан, и он кыв.
И аслыс абу кивыв сылы
Тэд съывны «ӧввӧ» съыланкыв.

Тан Николайлы быдӧн ас йӧз,
Став сиктса олысь матыс рӧд.
И олӧмыс нин важӧн пасйис,
Мый Коля тшыг ни шог оз тӧд.

Эм сылӧн олӧм вылӧ лача,
Эм сылӧн удж, и эм любовь.
Оз ышӧд сийӧс батылӧн дача,
И деньга кӧшӧлыс оз ков.

Вась эз шу Тарас дедлы аттьо,
А кутіс увтны, кыз лёк пон.
Од Тарас вөлі первой батьон,
Сы дінын быдмис сөкөл-зон.

Да кысь нө татшөмлы бурлуныс,
Кор йөзыс вылө букуш син?
Мед өдйөджык көть татысь муніс,
Тан сылы абу оланін!

16

Отчыд, шойччан луно,
Сиктө петіс Тарас:
— Гөтыр, ме өд муні...
Бура ов, Варвара!

Ветла Кывтыд помлань,
Гортад век көть нюжмась.
Пукавны төн менө
Корліс Өртем Кузьма.

Муніс Кузьма ордө.
Гөстьяс сэн — кык-куим.
— Лок, — шуө-көзяин, —
Гөстит тшөтш, мый суин.

Тарас дедлы Кузьма
Румка вина кисьтіс:
— Дарйөда нин, — шуө, —
Көть эськө-й эг висьтөд.

Гашдор сиктса гөстя
Матыстчис дед дінө:
— Эн на жө Машуктө
Верөс сайө инав?

— Майбырöй дай мортöй,
Этшаджык тай вöли!
Эмторйыд пыр инö —
Гожöмын и тöлын.

Витнаннысö сеті,
Месянь тырмас сэсса.
Öнi пиöй вöсна
Тöждыся да песся.

— Нывъясыс тай тэнад
Унакодъ жö вöлөм...
— Эн нин сёрнит, бобö,
Эн нин дойдав сьöлөм.

Варук ставсьыс мыжа.
Кыв öд оз төр сылы.
Öлөдлан, а сійö
Бара ваяс нылöс.

Шулі: «Тэнад, мися,
Кын кузнечлөн сямьд,
Коді «дзижöдз» дорис
Гөрлысь быдса амысь».

Варукыдлөн, зонмö,
Эз öд помась «дзижөн»—
Квайтöдысяс вайис
Дас кык пунта Мишöс!..

Ышмөм бöрад ставлөн
Сёрниныс зэв тэрыб,
Ветлас сійö-й вöрад,
И оз пов лёк зверысь.

— Висьтав, Тарас, кыззи
Паныдасьлін ошкөд,

Кыдзи сійӧ тэнсьыд
Зуалис ус-тоштӧ.

Ышлолыштіс дедӧ:
— Вӧвли делӧ ӧтчид.
Нэм чӧж кежлӧ сійӧ
Паметьӧ мем мӧрчис.

Пемьд. Муртса тӧдчӧ
Векныдик туй сёртас.
Сизим дозмӧр нопйын
Нуа вӧлі гортӧ.

Кыдзкӧ рӧкӧй водзӧ
Паныдаси ошкӧд.
Ачым кайта: «Чӧвлы,
Ог кӧ тэнӧ котшкӧд?»

Ас тшӧт вылын нель нин,
Тэ со лоан витӧд.
Мися, збыль кӧ кыйсьысь,
Ог лэдз тэнӧ витӧг».

Оз ков вӧлӧм войын
Вӧрзьӧдны лӧк зверӧс.
Эг на удит сӧтны —
Мырддис менсьым черӧс.

Сэссия дукӧс пӧла
Лапа улас сюри.
Раснитіс — эз юав:
«Тан пӧ кымын вурьыс?»

Помнита на ещӧ
Пельдинӧ кыдз тітшкис,
Кыдзи усьӧминӧ
Вевттис менӧ нитшкӧн.

Ызöптисны ставöн:
Тит и Педь, и Семö,
Ачыс, Öртем Кузьма,
Ваксьö куснясьöмөн.

17

Уджкöд орччөн пыр мунö,
Воськов оз кольччы дед.
Сöмын медмича луно
Кутис торкавны пред.

Дедöс корис да шуис:
— Мун да ноптортö сöвт!
Тэ нин джынвыйö туйын —
Тайö збыль, абу вöт...

— Оз кө кыскы тась кулыс,
Менö бурөн он берт!
— Талун ог, а июлын
Тэнö бертыштлам, дед.

Кыз нö пыксыны лыстан?
Тэ — правленьеса член!
Дзонь колхозөн öд ыстам —
Со и став висьтыс тэн.

Колö ыстыны мортöс,
Коді быд боксянь бур.
Менам думысь: курортö
Тэысь бурыс оз сюр...

— Ещö лыддысян предөн! —
Сюрис Тараслы крук. —

Боқысь ыстылам, медөн —
Мөд ног, делёыс дзуг?!

Код нө тэныд дас порсьлысь
Бытө кыксё кызь порсь?
Лунын биён көть корсьысь,
Пекла кодьёс он корсь.

Максим — уджысь оз пөтлы,—
Лэптис куим выль сруб.
Новосельеыд скөтлөн
Таво эз нин вөв дуб.

Код миллионсө тэд вайис,
Эз-ө мөсьяслөн йөв?
Миян йөв мында ваыс
Шорын таво эз вөв!

Медбур лысьтысьысь Öгрө,
Абу сы кодьыс мөд.
Эн, эн синъястө гөгрөст,
Бытьё мортсө он төд!?

— Тэнад списокыд кузь на?—
Дедөс вомалис пред.

— Эм на-й друг менам — Кузьма.
Ветлас, шойччыштас мед.

— Тупкыв списоктө, ноко!

— Мый нө, тупка көть ог,
Сэтчө эг сюр ме, вокө,
Өні ичөт мем шог.

Дзонь бригадаөс пасьтөг,
Көть и гожөм, ог коль.
Мөд мед нопторсө дасьтө —
Меным тайөс эн доль.

Тарас мунӧм йылысь
 Ӧти лунӧн дзик,
 Шензяна кӧть абу,
 Тӧдмаліс дзонь сикт.

Дедлы быдӧн вайӧ
 Ассьыс гӧснечтор.
 Юасьӧны сылысь:
 — Кор нӧ мунан, кор?

— Мунны абу шутка,—
 Шуӧ Сӧпрӧн дед,—
 Со ме вайи утка,
 Тарас другӧ, тэд.

Пуктіс Ӧгрӧ туис:
 — Босьт, туй вылад — нӧк.
 Пырис Наста, шуис:
 — Вайи чери пӧк.

Чӧвтіс Матрен тьӧтка:
 — Чери ме ог кый.
 Со тэд, Тарас дедӧ,
 Вичмӧдышти вый.

— Ыджыд гӧснеч вайны
 Миянлы нӧ кысь,—
 Шуӧ Пекла,— со тай
 Вайышти ме рысь.

— Ваянныд кӧ меным
 Гӧснечтӧ быд морт,
 Сэки,— шуӧ Тарас,—
 Оз и ков курорт!

Висьтөм кокөн Демид
 Чотликтіс Гашдорті.
 Рытъявыв нин вѳлі —
 Пырис Марпа ордѳ.

Пырис. Порог дорын
 Лайкнитліс ён туша,
 Том нывлы моз шуис:
 — Чолѳм тэд, Марпуша.

— Локыв, — корис Марпа, —
 Шойччы. Кузь нин туйыд.
 Даньдорсянныс, Демид,
 Кутшѳм мог нин суис?

Сьѳкыд, кодыр он тѳд,
 Мый и вочавидзны...
 Быть ѳд лоѳ шуны:
 — Могтѳг пыри, сідзи.

Лукйысьыштѳм бѳрын
 Вочакывйыс сюри,
 Демид дядьѳс мездіс
 Қос пуйывса тури.

— Велькѳдчыны волі,
 Матѳ вои кокөн,
 Да и тшѳтш со мыйкѳ
 Бытшкѳ кыкнан бокѳ...

«Озыр керка пытшкыс,
 Мыйыс абу тані!»
 Ышловзис да Демид
 Вельысь сѳрни паніс:

— Верӧс вӧвли важӧн
Ставыс вылын ыджыд,
Шулисны эз прӧстӧ —
Овмӧслӧн пӧ мыджӧд.

Дзикӧдз, Марпуш, вежсис
Олӧмыдлӧн серыс.
Нывбабаыд ӧнӧ
Миян дорысь тэрыб.

Оз ков мунны ылӧ,
Босьтам тэнсьыд нывтӧ.
Быдсяма эмбурсӧ
Лӧсьӧдӧс юр вывти.

Верӧспусӧ, дерт нин,
Корсис, кӧнкӧ, Ольга?
Эн кӧть дивит, Марпа,
Со пӧ, йӧйыд, больгӧ.

— Корсис,— шуӧ Марпа,—
Шудӧй меным сиис.
Даньдорсьыд зятьпуӧй —
Тарасыдлӧн пиыс.

Миянысь на бура
Овсьӧ, кӧнкӧ, тэныд?
Ая-пияыдлӧн
Додь тыр трудоденьыд...

Бытьтӧ вой шӧр войын —
Пемдӧс керка пытшкӧс.
— Ой, ой! — вӧрзис Демид,—
Бара нин со бытшкӧ...

«Трудодень кӧ этша,
Керкасьыд эн пет кӧть.

Куш кинад и öнi
Öгыртö он петкöд.

Лэптасны нин рельö.
Но и тайö олөм!
Корасигад весиг
Трудкнижкаыд колö.

Ныж кө пурт, быд кыддзысь
Он тай чуктöд сямöд...»
Марпа ордысь Демид
Мунис сьökыд думөн.

20

Войнас Даньдорсянь кывтис...
Эз öд Тарас, а — мöд.
Демид радлис нин вывти,
Сийö нем на эз тöд.

«Сидзкö, талунсянь «койташ»,
Тарас — туйын нин, дерт.
Мед нö Лунвылын койтас —
Сытöг югыдджык свет».

Эз тай дыр кежлö сэзьдыв —
Лыйис чардавтöм гым.
Тарас друг кыськö пезьдис,
Пырис вок ордö — зым!

— Көть и дзевсин, а сюрин!
Он на меысь тэ мын.
Тэнад местаыс — нюрын...
Торфыд абу нин кын.

Демид лапйöдлö синсö,
Быттö гож водзын сюзь,

Лукийö быд лудтöминсö:
«Мый нö? Ог жö öд узь?»

— Тарас, тайö нö... тэ нин?
Сидзкö, абу жö вöт?

— Зэв тай паметъыд дженъыд...
Бригадирöс он тöд?!

Тырмас — вöтасин дыр нин,
Луныс янöдö син.
Важөн гажтöмчö зырийд,
Сейны кутöма сiм.

Боксö зыралö Демид:
— Лыйлö, жугöдö кос...
Нюрö ог мун ме немысь!
Мöд удж, кокныдöс, корсь.

Тарас серöктiс:— Воклы?
Кыз нö мöд удж оз сюр!
Паччөр поньтавны кокныд,
Да и червидзны — бур.

Төлös чужъявны лöсьыд,
Некор оз мудзлы кок,
Но öд кытөн он пöсяв,
Уджсьыд доныс оз лок.

Яндысь гöтырсьыд кöть нин,
Вердö тэнö — мужик!
Не кö сийö, эн пöтлы,
Немö воин нин дзик.

— Мыйкö ыджыдöс шуа!—
Демид турыштiс щöть.—
Этша пöжалан-пуан,
Он на сы уджөн пöт.

Ноко, висътав тэ: корсянь
Вердö менö колхоз?
Бокысь нажötка корся —
Мöд ног некыдз оз позь.

Оз мем кокныыда чукты,
Пöсьөн перъя быд грöш.
Пиньтö джаджйö он пукты,
Тувйö рушку он öш.

— Кокни уджсö тай индi...—
Тарас нюмъялис дыр.
Демид тшöкмунис-виньдис,
Сэсся кватитис зыр.

21

Зэв кыпид гөгөр. Сэзь и гулыд.
Лёк арсö быттьö вöтлис тулыс:
И муыс — мöд, и йöзыс — мöд.
Мый вöчсьö сьөлöмын — он тöд!

Да кыз он тöд! Ми ставөн тöдiм:
Выль туйöд кадыс мунны мöдис,
Öд тайö вöли первой ар,
Код вежис сиктлысь календарь.

Великöй партияным миян,
Ми кодлы медбур думъяс сиям,
Дас вояс сайöдз чöвтлис син,
Көн озыр олөм, няняин.

Со вөрзис ыб. Тэ, ёртöй, кылан?
Став йöзыс мөдöдчисны сылань.
Ми вылö дөзмас öнi ыб,
Нянь вöсна тыш сэн оз кө лыб.

Код талун татшөмтор эз казаяв,
Син көртөд налысь кадыс разяс,
Но сэки, кызди көть эн шу,
На вылө өбидитчас му.

Пу корйысь мукөд гагсө бушков
Оз чуктөд. Сійө важ моз путшкө,
Сі-везьяс кыө гөгөрбок,
Сям сылөн өти — вөчны лёк.

А мукөд дырйи важлөн лөптыс
Ю вылөдз петавлывлө гөптысь,
Но сійө бара корсьө тась,
Көн медся джуджыд вабергач.

Лёк көин, оз кө сюр яй кусөк —
Дась ёрны ставнас ыджыд мусө,
Но мутө, сійөс, ёр көть эн,
Он сувтөд, нинөмөн он вен.

Кор татшөмъяслөн вошө маска,
Ас съорас босьтөны съөд краска,
Мед мавтны съөдөн еджыдін —
Быд буртор ёрө налысь син.

Мөд во нин тырө сійө арсянь,
Кор сиктө первойясөн карсянь
Кодсюрө воалисны. Но...
Эз быдөн пось съөлөмөн во.

Райцентрө, код төдас, мый могөн,
Тшөтш накөд воис со и Рогов.
Он шу: эн лок! Öд агроном,
Дай зептас новлөдлө диплом.

Мөд пөрийө нин со Тарас дедө
Сы синьяс улө талун шеді:

— Тэ бригадир и секретарь
Подсолнух улö дзебин пар?

Мужик! Тэ важөн уска-тошка...
Кызь гектар пуктöмьд картошка!
Кор кынмас, сэки мун дай кер,
Зыр пыдди ковмас босьтны чер.

— Ме кужа-й вöдитчыны черөн,—
Дед шуö,— сöмын тэ эн дзерöд...
План менсьым вынсьöдис колхоз,
Эз сійö вывсянь усь важ моз.

— Ас вылад босьтан вывті уна.
Райкомöдз та йылысь ме муна,
Ми татшöмторлы пуктам пом!
Ме коммунист и агроном.

— Ми демократия ог торкөй.
Дерт, татшöмторйыс вöвлі коркө,
Но öнi,— шуö Тарас дед,—
Став важлөн вушйöма нин след.

Выль агроном век увтчö лёкысь:
— Көн ассьыс воксö сөйö вокыс,
Сэн демократиялөн дук
Оз вермы овны öти здук!

Тэ висысь воктö вöтлан нюрö...
Код öнi тадзи мортöс пурö?
Пи менам велöдчис дас во,
Мед тэнсьыд видзöдны «кино»?!

Тэ дiнысь барскöй дукөн öвтö!
Вок мортлы весиг он сет вöвтö.
И партиянымлысь «выль курс»
Быд ногөн вежньöдлан, кыз мус!

Кор дедлысь вөрзьөдісны муссө,
Ёсь штык моз сувтөдіс дзор уссө:
— Ме вөлись казялі, сёмор,
Да тэ тай, вөлөм, «ревизор»!

Карл Каутскийёс, гашкө, төдлін?
Марксизмлөн гыяс костө пөдлі...
Но, сэтшөм мортөс кыз он төд,
Көть ылісянь, а тэныд рөд.

— Кулакөн нимты өти сайысь!—
Син гозйыс Васьлөн плешас

кайис,—
Кыз аддза, грамотнөй тай зэв,
Но менсьым он нин курччы пев!

— Эм грамотаыд. Öнi ола.—
Дед шуө:— Помавлі партшкола.
Москвасянь главнөй выставком
Тшөтш меным ыстөма диплом.

—«Диплом, диплом!»— Вась мян
нерсьө,—
Дипломыд эм. А тан, мый керсьө?
Да мый ме песся? Пом оз во...
Мед тэно някралас бюро!

Дед корис конюхөс ас дорас:
— Вай мортсө гөнитөд Даньдорысь.
Збой воронөйнад сійөс ну,
Музейөдз воад — горөд: «Тпру»!

22

Со тай кодкө том морт, кылө,
Ёна элясьө ме вылө:
Көнкө вөліс пө том ныв,
Öнi некытөн оз кыв.

Тайö, дерт жö, Оля йылысь
Тшöктö гарыштлыны выльысь?
Белых эз на вош — эн пов.
Тырмö сылөн нянь и сов.

Няньтöг, дерт, и ми ог олöй.
Сöмын нянь дiнад тшöтш колö
Сьöлöмыдлөн шоныдлун —
Сытöг ныв дiнö он мун.

Овлывлö и менам висьöм:
Виркöд öттшöтш стихöй йизьö.
Кынмывлö не сöмын ва,
Пужйөн тырлö и строка.

Мем и аслым гажтöм лолö,
Оля дорö кö ог волы.
Нывъяс ради — лёк кöть бур —
Луддзывлö на пöрысь юр...

Кольлö тöv и кольö тулыс —
Нем оз петлы перö улысь.
Сэтшöм тай нин миян удж —
Мырсян во, а стих оз чуж.

Гожöмъясын — мый сэн лёкыс?—
Озёл тысь кыйла ёкыш.
Арнас пöрийöдлывлö яг.
Вöзийö меным свежöй тшак.

Мыйыс оз овлы поэтлөн!
Гашкö-й, көнкö туйын ветлö?
Мукöд дырйи сылысь стих
Нельсё пельөн кывзö сикт...

Со и Оля. Борйын шойччө
Аслас плугарыскөд орччөн.
Сыкөд аддзысьны зэв рад,
Налөн буретш пажын кад.

Вөр ді сайысь петіс Саня:
— Оля, шыдтө өдйө паняв!
Коркө мөдысь дырджык сөй...—
Воысь нывка вөлі збой.

— Со тай тэныд мыйкө татөн
Гижө миян председатель...
Белых лыддис гижөдтор:
— Висьтав, менө мед оз кор.

Комбайнёръяс курсъяс вылө...
Мунны өткөн сэтшөм ылө?
Виас гажтөм, сөяс шог...
Мөд мед мунас, а ме ог!

— Кыдзи өткөн? Корсян ёртсө.
Удоратин Мишыс — морт жө.
Көть и Даньдорысь, но, мед!
Туйын бур пөпутчик тэд...

Видлан кө нин ыръянитны,
Помөдз колө аслань жмитны.
Оля сетіс гижөдтор,
Мөдысь шуис:— Мед оз кор!

Нывка саяліс вөр сайө...
Оля чуймис: «Мый нө тайө?
Мый ме вөчи? Ай-ай-ай!»
— Саня! Гижөдсө бөр вай!

Быдся йёзыскөд райкомын,
Олыштан кө, аддзысьлан:
Дзонь районлөн кыкнан помыс
Частö отласьлөны тан.

Пуксис вöчны ассъыс делö
Татчöс первой секретарь.
Пыр жö локтис заводелом,
Шуис:— Луныс лоас жар!

— Кысянь шоныдыс тэд оньтö?—
Секретарлөн лыбис син.
— Чöвлы. Нинöм кө тэ он тöд,
Тöдлан раклысь тöвъянин!

Менö тököтьö эз вины.
Сизим душ öд — ёнысь-ён!
Ставныс локтöмны тэ динö.
Ачыл тöдан, лэдзлан он...

— Ноко, лэдзлы, мыйся душъяс,—
Секретарлөн ворсö нюм,—
Кутшöм варышъяс да кутшъяс
Сэни кыпöдисны шум?

Воссис öдзöс:— Марк Иваныч!
— Марк Иваныч! Тадз оз позы!
— Сувтны öткөн мирлы паныд?
— Марк Иваныч! Лоас кось!

— Дзонь колхозлы туйсö потшö!
— Дудки! Оз-ö ещö потш!
— Ми нин быдтам кыксё чошö...
— Чöвлы, Пекла, ерöтош!

Места вылас педзё Максим:

— Марк Иваныч, кыз нё сідз?

Честной морт со няйтён ляксьо,

Кыз он дорйы, кыз он видз?

— Яйлён мера эз ло кило...

— Лэптім сэтшөм скөтнөй двор!

— И подсолнух — важөн силос...

— И картошка чер оз кор...

Марк Иваныч кывзіс сюся,

Он өд тупкы йөзлысь вом.

Ставлён мыйкө пышкас пусьо,

Прөста эз ковмы райком.

— Мыйысь мыжаланныд кодөс?

Нинөм ме ог гөгөрво!

— Сідзкө, мыйла гөгөрвотөг

Көсьян чукөртны бюро?

— Удоратин, сідзкө, ыстіс,

Ассьыс кусө видзны мед?

Татшөмтор кө вөчны лысьтіс,

Пөсявласны дед и пред!

— Мый ті, мый ті? Пышйим асьным.

Эськө, төдліс кө, эз лэдз...

Көть сюрс верст,— а Рогов Васьлысь

Мунам, пазөдлам быд лэч!

Секретарлөн шпыньыс петіс:

— Бур зэв вөлі тіян висьт!

Көн народ, ме тшөтш жө сэтөн,

Йөзтөг олөмө он письт.

Мөд пөрийө көдзалис нин ужын,
 А Тарас эз на мыччы ныр.
 Сё витөд дум нин пөчлөн чужис
 И некыдз сёяныс оз пыр.

— Көн ветлө? Мый нин лоис сыкөд?
 Войшөра вой — и век эз во...
 Начальствокөд кө воан зыкө —
 Бур шыдөн оз нин верд бюро.

— Кодсюрёлы сэн шедлө пөттөдз,—
 Мам кывъяс костө чөвтис Миш,—
 Но батьлы, водзвыв, делө төдтөг,
 Решеньё татшөмөс эн гиж...

Друг гиль-гольмуні кильчө кольча,
 Кыз гөлөс кыліс недыр мысыт:
 — Ме чайті, важөн нин ті шойччад?
 И узыны вөзйысьны ог лысыт.

— Кысь эськө шойччыны, а ме нин
 Чуть тэнө туявны эг мун...
 — Тшөтш ыджыд аттьө, Варук, тэныд,
 Ог вунөд тіянлысь төждлун!

Став прөстөй йөзлы, коді тэ кодь,
 Ме ещө шуа аттьө кыв.
 Народысь ылөдзджыксө некод
 Оз шенышт некор ассъыс сыв.

— Зэв кузя, Тарас, кутін нөдны.
 Тэ висътав дженьыда и стөч.
 Бюроыд йылысь көсья төдны,—
 Эз лэччысь дедысь Варук пөч.

— Ном куртчөмысь не воны шогө.
Спокойнөя вай мун да вод.
Быд делө помасьлө бур ногөн,
Қор партиякөд став народ...

Пи синмө сюся дзоргис Тарас:
Ёсь пыридз — сылөн видзөдлас.
Сы водзө талун сувтіс бара
Кузь олан туйыслөн быд час.

— Тэ, пиөй, туйө петан аски...
Қомбайнөрөдз кө воан — во,
Но некор лөнинө эн ляскысь
И ставсьыс медводз — мортөн ло.

Машина радейтны, дерт, колө,
Но йөз дінө кө лоан кид,
Сэк частө каитчывны лолө,
Эн йөзсө — асьтө сэки вид.

Морт мортлы медбур ёртөн овлө,
Көть зептас абу весиг шайт.
Мөд сэн жө югыд паськөм новлө,
А паськөм улас — сөмын няйт.

Дзик орччөн муніг коктө дойдас
И мед он казяв сылысь лөк,
Дзось часджын вешкыртчас да ойгас,
«Кызд,— шуас,— дойдін менсьым кок!»

Судьбаыд кытчөдз көть оз нулы,
Эн вунөд ассыйд чужанін.
Тэ кызь вит во тась васө юлін,
Ёль рөмөн ворсө тэнад син.

Қод некор дзик оз көдзав гортысь,
Пыр сійөс шонтө паськыд мир,

Сэк восьса синмөн олө мортыс
И сөвесть сьолөмсө оз йир.

Юр сюянінсө тайөс меным
Эз сетны озыръяс ни ен...
Со сійө мортыс — ыджыд Ленин,—
Код тшөктіс татчө пырны мен.

Нужда и сэк эз этша вөтлысь,
Но дона Ленинлөн портрет
Мем быттьө кайтіс: «Ов, оз вөтлы,
Ов тани, некытчө эн пет!»

И джодж и стенъяс муса меным
И весиг муса өшинь тас,
Дрөб туйыс төдчө на со сәні —
Қолхозъяс вөсна тышлөн пас.

Мед тан кө мулөн ылыс пельөс,
Но Коми ягсянь тэнад ай
Пыр кыліс сьолөмөн и пельөн,
Қызды тышын ғымаліс Қитай.

И тайө керка стенө нөйтчис
Став му вув олөмыслөн ғы.
И шуд моз татчө пырліс өтчыд
Медводдза тракторъяслөн шы.

Лейпцигсянь тайө жырьөдз кыліс
Димитров өртлөн сёрни гор,
Став сьолөмсянь сэк ошки сылысь
Фашизмлы вөчөм приговор.

Мем уджтөг нем эз чуктав-шедав,
Быд уджлысь көрсө кывліс ки.
Қык фронт пыр вуджи. Қык победа
Горт шөрөдз вайлі, дона пи.

Роч мортос лыдды ыджыд вокон,
Аснырон туй визьтö эн кут.
Од сийö татчöдз аслас кокон
И мем, и тэныд вайис шуд.

Кöть белорус, кöть молдаванин,
Китаец кöть, и кöть якут,
Тыш панöмны кö лёклы паныд,
Эн нюжмась — накөд орччөн сувт...

Зэв унатор ме, пийöй, тэчи,
Но эн жö вунөд босьтны нянь...
Со топалö нин войлөн вечик.
Мун узышт, талун кежлö шань.

25

Зарни тазйөн кодкө
Петис веж яг сайысь —
Тайö мян шондi
Быль лун татчö вайис.

Чайтан, Тарас гортын?
Со тай сийö тан нин!
Велөдö том мортос
Потшöс сюрөс панны.

Мир туй дорын гажа.
Ветлысь-мунысь уна.
Кыскалö машина
Вөрсö быдса пунас.

БИБЛИОТЕКА
Респ. Краев. Музея
Коми АССР
город Сыктывкар.

Со и кодкө вөлөн
Ньöv моз лэбö скачөн.
Шензьö Тарас дедö:
— О! Сёкоча-мачö!

Регыд мысти дедкөд
Отвесьтасис вөла.
Видзөдліс, да сылөн
Ювк-ёвкмуніс сьөлөм.

Эз пыр муо, уси
Тарас кийсь майөг.
«Этша, буди, узи?
Қаститчө мем тайө».

Асланым колхозысь
Тайө карөй вөлыс.
Да и пукалысьыс
Миша кодь дзик вөлі...

Ме нин сійөс пөшти
Лыддя курсьяс вылысь...
Мый нө нин Гашдорсьыс,
Морлы, ковмис сылы?

26

Абу дивөыс сэн нинөм!
Радейтөмыд пуяс синө.
Морттө кусньөдлас нин, дерт,
Сөмын вөля сылы сет.

Ставныд помнитад Русланөс,
Қызди корсис муса аньөс:
Светсө кытшовтіс — эз вош,
Черноморлысь тшытшліс тош.

Мед Людмила лоис сылөн,
Мунліс быдся подвиг вылө.
Тані мый? Крут Гашдор чой?
Сэтчө оз на ков герой!

Мукöд дырйи-й Черноморысь
Нывлөн олан сямыс чорыд,
Но любовь кö збыль любовь,
Ставсö небзьöдас — эн пов!

Миша радейтöмлы эскис:
Пачад тырмылас кö пескыд,
Пöсьөн оньтас сийö дыр,
Лöдсавлан — дай жар оз быр.

Мукöд зонлөн сьöлөм öзйö,
Нуас гөра сьлөн кöсийм!
Сöмын ышнясьысь поэт
Радейтчыны туй оз сет.

Ликтас зонлы мича нылös:
Ышлов — орчча сиктöдз кылö.
Сöмын насянь мича ныв
Öзйöданатор оз кыв.

Бытьö йөзсянь вежавидзиг,
Кыкөн ветлөдласны сідзи:
Чегъяласны льöм пу ньөр,
Сэсся усйысясны бөр.

Лыддысьысь, тэ аддзан ачыд:
Миша миян эз вöч тадзи.
Мортыс тöдö: збыль любовь
Орччөн полöмкöд оз ов.

Вöйпны нинöмла том мортös!
Сийö пырис нин ныв ордö:
— Оля! Ставыс тэнад дась?
Мунтöдз коли сöмын час...

— Радейтан кö, бсръя здукöдз
Он жö емъяс йылын пукöд!—

Зонлы емысь ёсьджык кыв
Дойманіно чуткис ныв.

Миш эз кыв нин нывлысь кывъяс,
Босьтліс Оляёс ён сывъяс,
Сэсса сылысь чемодан
Доддью петкөдіс тун-тан.

27

Буса мир туй кузя,
Паськыд Эжва пөлөн,
Даньдор сиктө бөр нин
Рөдтө карөй вөла.

Адзис дедө, броткө:
— Моръяс!.. Ещө кыкөн!
Нывбаба со, кодкө,
Пукалө тшөтш сукөд.

Туй вылөдзыс,— шуө;—
Петала нин буди?
Төвзыштас да бара
Төдмавны ог удит.

Весьшөрө дзик Тарас
Дзоргис синкым увті,
Матысмис да вөла
Джөм сы весьтө сувтіс.

Бытьё кувлөм бөрын
Адзис ловзьөм писө —
Бокъяс кузя Тарас
Швачкис кыкнан кисө.

— Чуймин? — нюмдіс Миша —
Дивуйтчан ме вылө?

Көсйысьёмтор, батьё,
Вөчи со, эг ылд.

— Тэ тай бур туй вылын,
Пиёй, ветлан вёлём?
Мися, кутшөм бобув
Доддяд тэныд сөлём?

— Гашкө,— шуё Тарас,—
Тшөктан поздравитны,
Бур любовь-сөветөн
Ичмоньпукөд йитны.

— Помассясны курсьяс,
Воам бөр колхозё.
Сэки-й, батьё, усьяс
Көтөдлыны позьё.

28

Ещё колис во. И со нин
Миша удитёма воны.
Гашкө, не кө комбайнёр,
Өнөдз колис вундантор.

Кызд нин Варук овлө, коньөр?
Мөд во виччысьё со моньёс.
Регыд дыр виччысянтор
Вежас сылысь пачводз дор.

Көн нин Рогов? Лым моз сыліс,
Климатыс эз лөсяв сылы.
Рогов кодлы — саридзсай,
Сэсь мед корсьё «му выв рай».

Тайё туйыс «патриотёс»
Көть и сёрөн, век жё сотіс,

Бурсö нинöмтор эз сет,
Сöмын мырддис партбилет.

Кöни Демид? Сійö век на
Висьö-мучитчö важ грекнас,
Воддза моз на — тöв и ар —
Частö видлавлö базар.

Со тай райцентрын жö бара.
Улöс вайöма — нель пара.
Кöть и «кöнтусь сейö» пинь,
Век на жаль вузасянin.

Волас ньöбасьысь сы динö,
Вузöсторсö видлас кинас:
— Абу-й яндзим корны сьöм?
Улöсьясыд ставыс лöм!

Быд базарын варов ывла,
Час кö олан — сөтор кывлан.
Даньдор сиктса öти ань,
Кылö, ошкö асьыс кань.

Кольö здук. Мöд сёрни пансьö:
— Кывлin, Максим пö авансöн
Деньга босьтöм кöшöль тыр?
Нель сюрс — абу киссьöм сыр!

Татшöм лыдпас дышöс эльтö.
Ройөн сюялан кöть пельтö,
Тайöс кылан кöть, он кыв,
Он нин йирышт гыррдза йыв.

Демид «кöнтусь сейны» дözмис,
Вузöсторсö тöдтöм йöзлы
Джын дон вылö пырысь-пыр
Иналыштis ропкигтыр.

Сэсся Даньдор сиктö воиг
Сылы ещö сьöкыд лои.
Немся висьöм тай эз ков —
Морöс пытшкö йöрмис лов.

Сэтшöм сьöкыд, кöть эн видзöд:
Öгрö нуö ялавичöс.
Ялавичыс мöс кодь ён,
Тайö — уджысь содтöд дон.

Адöй! Пекла кутшöм азым!
Кöчан-мачсö сылы «МАЗ»-өн
Нуö гортöдзыс шофёр...
Демид öтнас — вошöм морт.

Гортас пырис, быттьö бушков:
— Ставсö чöрту, Иванушко!
Энот улöс и диван,
Дукныс мед эз вöвлы тан!

— Локтін сьöмтöг али сьöмөн?
— Улöсьясыд тэнад лёмöсь!—
Татшöм ёна тірзысь ки
Бательсь первой аддзö пи.

— Сьöмтö öмöй ставсö юин?—
Пиыс көритöмөн шуис,—
Меным колö выль костюм...
— Тэд костюм, а мем кос юм?!

Пиöй, пурттöг менö кодзин!
Тадз кө кутам овны водзö,
Он тэ аддзыв пась ни көм.
Лэччам нюрö, босьт ён лём!

Тарас дедлысь куд кодь керка
 Гөгөр мыськалөма пелька.
 «Бус чир ки улө оз шед!»—
 Аслыс нимкодясьö дед.

Пыр на гөсть да гөстя воö.
 Колө чайтны, дзескыд лоö!
 Весиг тырис порог ув,
 Öдзöстö көть восьты — гув.

Сөян-юан тэчөм кыза,
 Тадзнад вермас чегны пызан.
 Он кө удорсяньыс пык —
 Öти пыдди артмас кык.

Керка пытшкөс кык пөв мичмөм:
 Шондi кодь жö том, бур ичмонь,
 Лыяс пырыс тöдчö вем,
 Сыкөд бура овсяс нэм.

— Талун ачым предыс пыдди,
 Свадьба вoсьсöмаөн лыддя.
 Гөлөсуйтны тан оз ков,
 Тöда, ставныд — «за любовь».

Ошлы, кыз куалы, лудөм!
 Пилы, моньлы — овны шудөн!
 Дружнö вуджны кузь туй кост,—
 Лэптiс Тарас первой тост.

Муртса вомас воис сурыс:
 — Ой-ой! — шуö, — кутшөм курыд! —
 — Курыд! — горзö, кылö, сват, —
 Сэтшөм курыд — веськыд мат!

Чупнитчисны ичмонь-гозъя.

— Ай-да, кисъмөм, мича озъяс!—

Тарас дедлөн серамбан

Местаын зэв лоис тан.

— Ещö уджалыштам во-мөд —

Таысь сукджык лоас чомөр.

Вый пытшкө кор вояс рок,

Сватө, лэптыныс тшөтш лок!

— Тарас, шуан жö тэ мыйкө!

Сяммам водзсасыны ми выйкөд.

Сöмын лишнöйсö эн верд —

Кості синмöй мед оз берд.

— Янкилөн вот миян выйөн

Синмыс дзик нин берданвыйын:

Муртса дзузгö нисьö оз!—

Тарас вештіс сёян доз.

Сейөм — лөнью. Гажыс — содö.

Бергалöны хороводөн;

Тарас дед да сылөн внук —

Медся варовöсь кык друг.

Коми важсянь ворсны кужліс,

Батьсянь пины ворсөм вуджліс,

Мамлысь мыла сьыланкыв

Сьöрас кольөдліс том ныв.

Тарас шуö:— Сьылöй, ворсöй,

Ёна сьылöй, мед он ворссьöй!

Сьыланкыв, кöть абу выль,

Сын эм олөмлөн збыль.

Тадз поэтлөн вöлі гижөм...

Тадз öд гижөм вöлі, Мишö?

Тадзи. Гашкө нө, кыв-мөд
Ас местааныс эг лөд?

Эз вун «сирөд мыръяс бертөм»,
Ноко, кутчысьлөй ме бердө!
Тайө важъя ворсантор
Ворсны-й öнi абу сёр...

Öдзөс вугйө Тарас дедө
Шашаритчис. Он на-й шедөд!
Абу на тай кокныд жуг,
Оз на эновт öдзөс вуг.

Со тай бригадирөс век на
Öдзөс вугйысь бертө Пекла.
Не кө Максим, «сирөд мыр»
Эз на эськө чукты дыр.

«Мыръяс бертөм» вевттис гудөк.
Кодлөн кок пыдөсыс лудө,
Кодлөн ветлан мода тшап —
Зурк да зөрк да туп да, тап!

Йөктө сват и йөктө сваття,
Часi öдйө кадсö каттьö.
Гудөк вежö ворсанног,
Вомлы отсасьö быд кок:

Кузьта — пасма,
Кызта — тасма,
Туша-рожа — вöчтөм гыр.
Гудөк вемö
Сюйлис Семö
Быдся дивөсö — пож тыр.
Эм-ö тэнад
Тру-до-деньыд?
Эм кө, лок. Абу — мун!

Вешйы, тшанёй,
Чужйыштсян өд —
Менам тырмас укшальлун.
Пёт кө скёт,
Тшөтш ачыл пёт.
Скёт кө тшыг —
Паняв быг.

Порсь кө видзан,
Нэм он видзав,
Умтөдз сёян тшөг да гос.
Сөвмө-лыдмө,
Туө-быдмө
Миян Даньдорса колхоз.
Йөктан кругө
Петав, другө,
Чирк моз вывлань чеччышт — звирк!
Кок мед мудзлас,
Юр мед судзлас
Тарас дедлысь керка йирк.
Сям кө бур,
Тэд шедас ур.
Сям кө ныж —
Аслад мыж.

Кыдзи төлысь,
Сідзи-й көлысь
Сиктын миян лоас мед!
Ныв мед вөччө,
Зон мед вөтчө,
Кытчөдз кутантор оз шед.
Лишнёй румка
Вомө дзумган —
Сідзкө, омөлик жөник.
Удж кө сетчө,

Пось кӧ лӧччӧ,
Кутас радейтны став сикт.
Ик да эк,
Выль гудӧк мек!
Выль на дзик.
Эк да ик!..

Гудӧк лӧнис. Эз-ӧ ылӧд?
Удал гудӧкасысь вылӧ
Ӧттшӧтш видзӧдліс сӧ син,
Здукӧн рекмис йӧктанін.

Збыль мӧй ланьтӧм вылӧ помка
Аддзис татшӧм варов хромка?
Видзӧд бура, аддзан он?
Дзулькӧн пӧсялӧма зон.

Свадьба туӧ, свадьба пуӧ,
Кодкӧ шыд пыдӧссӧ юӧ,
Кодкӧ чатӧртӧма юр,
Вомас кисьтӧ быгья сур.

— Тарас, ёнасӧ эн горшась!
Комбайнӧр дай комбайнӧрша
Вичмис, сӧ мокасытлы, тӧд.
Меным татшӧм шуд эз пет.

— Татшӧм шудыд петлӧ шоча,—
Шуӧ Тарас сватлы воча.—
Кадыс сӧттшӧм — нем он кер,
Вермис сюрны-й инженер.

Тайӧ, зон, социализмыд
Миян сиктӧд мунӧ-ризйӧ!
Сылы тӧ эн эскыв? Эн!
Вот и петкӧдчис со тэн.

Тэ моз некод жö эз тiрав?
«Юрöс ассыым ог жö сирав,
Ог жö ме колхозö пыр!?»—
Дöжнавлiн тэ воысь дыр.

Вöли тадз артельö пыртöдз.
Öнi, кöть и ыстан мырдöн,
Он нин тэ колхозсыд пет!—
Сватсö лап-лапкерис дед...

Быдöн гөгөрвоад асьныд:
Öддзылас кö сёрни-басни,
Оз кут тупкöм семафор,
Воас станция «Рытсёр».

Мыйта гөсть да сват да сваття,
Кык пöv унджык вöли атгьö.
Öтлаасьлис кымын ки —
Лыдсö-тшötсö воштим ми.

Джоджсö нöйтыштісны дедлысь,
Вердчысьяслы мудзтор шедліс,
Пöсьявліс и öдзöс дзир —
Вот и тайö вöли пир!

* * *

Свадьба эштис. А поэма?
Ог тöд, дженьыд-ö, кузь нэма,
Со тай суд вылö ме сійöс
Ставнас сеті тiян киö.

Гашкö, Тарас дедлысь бур ним
Пыдди пуктысь вермас сюрны?
Ми тай лöсьялім зэв ськөд —
Шог и гажлун юким кыкөн.

Ортсö унатор эг петкөд,
Мыйяс тöдам сöмын дедкөд.

Да и мукöд посниторйыд
Дедöс ёнасö оз дорйы.

Гырысь гыяс вомён катём
Гашкө-й оз жö тыдав татён,
Но ми дедкөд, кызди кужим,
Век жö олём пыштi вуджим.


Ми эг зильöй гора кывйөн
Öшйöдчыны олём сывйö,
Полiм, медым тыртём дзирдөн
Миян мыгөрным эз вирдав.

Кызди коркө Тарас шуис,
Полiм торйöдчыны муысь.
Мутö радейттөг да гөртөг
Морттö олём немö пöртö.

Дедкөд янсöдчöмыс меным —
Ыджыд дойлысь висьём венём.
Сьöлөмöй кöть кызди висьö,
Ковмис кутыштлыны кисö.

Дона лыддысьысь, бур ёртöй,
Коркө мунан кö Дандортi,
Куд кодь керкаö тшöтш пырав,
Дедкөд пукушт мыйкö дыра.

Тöдмав, кызд нин сийö олö,
Висьтав мясянь ыджыд чолём.
Чайта, весиг, уна во пыр
Сийö аддзас менсьым копыр.



1 ш. 90 к.